

皇
明
世
法
錄
(二)

皇明世法錄卷之二十一

史臣

陳仁錫

編輯

從祀

洪武五年罷孟子配享文廟。驗年。

上曰：我聞孟子辯異端闢邪說，發明孔子之道，宜祀如故。

二十九年三月，行人司副楊砥言：孔子廟廷從祀諸賢，皆有功世教。若漢楊雄、事莽，秦列從祀，以董仲舒之賢，反不與焉。宜黜雄，進仲舒。

上納其言，命去雄祀仲舒。

皇明世法錄 卷二十一 從祀

正統元年，刊定從祀名爵位次，遂頒圖於天下學宮，用忠州訓導宋廣言也。

二年二月，以宋儒胡安國、蔡沈、真德秀從祀孔子廟庭。

成化三年，兵部侍郎兼學士商輅言：從祀諸儒，有未加封爵者，于所被章服殊不相稱。于是追封董仲舒爲廣昌伯，胡安國建寧伯，蔡沈崇安伯，真德秀浦城伯。

禮部奏浙江僉事辛訪言：宋儒何基、王柏、金履祥、許兼宜從祀孔廟。下禮部尚書陳文等議：宜如楊

時立祠鄉郡，行翰林院撰祭文，行浙江金華府。每歲春秋致祭從之。

十七年九月，總督漕運張瓚言：宋儒胡瑗、楊州如皋人，與孫明復、石守道、讀書泰山，明體用之學，教授蘇湖，當時取其學，現行于太學。所著有資聖集、景祐樂議、口義、中庸解、春秋口義、言行錄，皆有益後學。乞下禮官考覈功行，或陞從祀，或專建祠，詔下禮部。

弘治元年八月，禮科給事中張九功言：孔子之道，大同天地，從祀諸賢，豈容或苟。如荀況、馬融、王弼

皇明世法錄 卷二十一 從祀

二

在所當黜。今之儒臣，禮部侍郎薛瑄，在所當入。少詹程敏政言：先師孔子廟庭，脩食必文，與行兼名，與實副。有功聖門，無疵公議者，庶足以稱邇者言。官欲出文廟從祀之有罪者，詔禮部集議。臣考之唐貞觀，始以左丘明等二十二人從祀，蓋拘于舊注疏，謂專門訓詁之學，爲得聖道之傳，而併及馬融等行之。至今臣考馬融初應鄧騭之召，爲秘書，歷南郡太守，以貪濁免官，髡徙朔方，自刺不死也。又不拘儒者之節，前授生徒，後列女樂，爲梁冀所奏殺。忠臣李固作西第頌，以美冀，爲正直所羞。劉

皇明世法錄

卷二十一

從祀

王

向初以獻賦進。喜誦神仙方術。嘗上言黃金可成。鑄作不驗。下吏當笞。其兄陽城侯救之。獲免。所著洪範五行傳。最爲舛駁。使箕子經世之微言。流爲陰陽術家之小技。賈逵以獻頌爲郎。不修小節。附會圖讖。以致貴顯。蓋左道亂政之人也。王弼何晏。倡爲清談。所註易傳。祖述老莊。而范甯追究晉室之亂。以爲王何罪深于桀紂。何休則止有春秋解詁一書。黜周王魯。又註風角等書。班固孝經論語。蓋異端邪說之流也。戴聖爲九江太守。治行多不法。懼何武劾之。後爲博士。毀武於朝。及子賓客爲盜繫獄。武平心決之。得不死。而又造謝不慚。王肅以女適馬昭。是時昭篡魏之勢已成。肅爲世臣。封蘭陵侯。官中領軍。乃坐觀成敗。反毋丘儉文欽起兵討賊。肅又爲司馬師畫策。若奸人佞已。乃其過之小者。杜預所著。亦止有左氏經傳集解。其大節益無可稱。如守襄陽。則數饋遺洛中貴要。給人曰。懼其爲害耳。非以求益也。伐吳之際。因斫瘦之譏。盡殺江陵之人。以吏則不廉。以將則不義。凡此之人。其於名教。得罪非小。而議者謂能守其遺經。轉相授受。以待從之學者。不爲無功。臣竊以爲不然。

皇明世法錄

卷二十一

從祀

四

其遺經若左丘明公羊高穀梁赤之於春秋。伏勝孔安國之於書。毛萇之於詩。高堂生之於儀禮。居蒼之於禮記。杜子春之於周禮。可以當之。若融等不過訓詁。此九人之所傳者耳。況其書行於唐。故唐姑以備經師之數祀之。今當理學大明之後。又何取于漢魏以來。駁而不正之人。使享天下祀哉。臣愚乞將戴聖劉向賈逵馬融何休王肅王弼杜預八人。褫爵罷祀。鄭衆初說禮數萬言。號后氏曲臺記。戴聖等皆受其業。蓋今禮記之禮。非后氏則不復傳于世矣。乞加封爵。與左丘明等一體從祀。孔子弟子。見于家語。自顏回而下七十六人。而司馬遷史記所載。多公伯寮秦冉顏何文翁成都廟壁所畫。又多遽瑗林放申枨。先儒謂後人以所見增益。殊未可據。臣考宋邢昺論語注疏。申枨家語作申續。史記作申黨。其實一人。今廟廷從祀。申枨封文登侯。申黨封濶川侯。重複無稽。一至于此。且公寮愬子路以沮孔子。乃聖門蠱勝。而孔子稱瑗爲夫子。決非及門之士。林放雖嘗問禮。然家語史記邢昺注疏。俱不載諸弟子之列。秦冉顏何。疑亦爲字畫相近之誤。如申枨申黨者。俱不可考耳。臣

愚以爲申張申黨位號宜存其一。公伯寮秦冉類何遽瑗林放五人。旣不識于家語七十子之數。宜罷其祀。若瑗放二人不可無祀。則乞祀瑗於衛。祀放於魯。或附祭本處鄉賢祠。仍其舊爵。以見優崇賢者之意。洪武二十九年。太祖從行人楊砥議。黜楊雄進董仲舒。然荀况楊雄實相伯仲。而况以性爲惡。以禮爲僞。以子思孟子爲亂天下。子張子夏子游爲賤儒。故程子有荀卿過多。楊雄過少之說。今言者欲併黜况之祀。宜也。然臣竊以爲漢儒莫若董仲舒。唐儒莫若韓愈。而尚有可議者一人。文中子王通是也。通之言行。先儒之論已多。大約以爲僭經。而不得比於董韓云爾。臣請斷之以程朱之說。程子曰。王通隱德君子也。論其粹處。殆非荀楊所及。若續經之類。皆非其作。朱子曰。文中子論治體處。高似仲舒。而本領不及。爽似仲舒。而純不及。又曰。韓子原道諸篇。若非通所及者。然終不免文士之習。利達之求。若覽觀今古之變。措諸事業。恐未及通之精到懇惻。而有條理也。至于河汾師道之立。出于魏晉佛老之餘。迨今人以爲盛。則通固豪傑之士也。今董韓並列從祀。而通不預。疑爲

闕典。臣又按宋儒自周子以下九人。同列從祀。而尚有可議者一人。安定胡瑗是也。瑗之言行。先儒之論已詳。大約少著述。而不得比於濂洛云爾。臣亦請斷之以程朱之言。程子看詳學制曰。宜建尊賢堂。以延天下道德之士。如胡瑗張載邵雍。使學者得以矜式。朱子小學書。亦備載瑗事。以爲百世可法。臣以爲自秦漢以來。師道之立。未有過瑗者。夫程子于瑗之生也。欲致其與張邵並侑于尊賢之堂。其沒也。乃不得與張邵並侑於宣聖之廟。其爲闕典甚矣。况宋端平二年。議增十賢從祀。以瑗爲首。若以爲瑗無著述。功則元之許衡。亦無著述。但其身教之懿。與瑗相望。使與衡同列祀于學宮。最得禮意。自唐宋以來。以顏子曾子子思孟子配享坐堂上。而顏父無繇。曾父黜。子思父鯉。皆坐廡下。禮子雖齊聖。不先父食。恐諸賢于冥冥之中。必有不安。元至順三年。封顏無繇爲杞國公。謚文裕。孟子父孟孫氏亦封洙國公。臣愚乞下有司。于各處廟學。如鄉賢祠之制。別立一祠。中祀啓聖公。以杞國公顏無繇。萊蕪侯曾點。泗水侯孔鯉。邾國公孟孫氏配享。庶不失以禮尊奉聖賢之意。臣又竊

觀聖學失傳千五百年。至程朱出而後孟子之統始續。則程朱之先亦不可缺。况程子之父程珦首識濂溪周子于屬櫟之中。薦以代之。而又使二子從游朱子之父韋齋先生朱松。臨沒之時以朱子託其友藉溪胡氏。而得程氏之學。珦以不附王安石新法。退居于洛。松以不附秦檜和議。奉祠于閩。其歷官行已俱有稱述。臣愚乞將永年伯程珦獻靖公朱松從祀啓聖祠。使學者知道學之傳有開必先。明倫之義不爲虛文矣。俱詔廷臣議之。學士吳寬言從祀苟有益於經傳。則馬融楊雄皆不廢。侍郎倪岳亦言馬融王弼之徒。其立身不無可貶。然秦漢以來六經煨燼。賴諸子抱遺經。專門講授。經以復存。自是唐之註疏多祖其言。今之經傳引用尚多。其說何可盡廢。于是從祀咸仍其舊。而薛瑄亦以無著述功已之。

皇明世法錄

卷二十一

從祀

七

四年祭酒謝鐸言楊時息邪放淫。承孟氏之傳。衍晦翁之派。雖晚年一出。不克盡行其志。而力闢新經。足衛吾道。吳澄生長于淳祐。貢舉于咸淳。受宋之恩如此。其久爲國子司業。爲翰林學士。歷元之官。如彼其榮。曾不及洛邑之頑民。何敢望首陽之

高士。况二人皆太學之師。乞升時上。附宋諸賢之位。斥澄下。從莽大夫之列。不報。

九年正月大學士徐溥又言楊時入朝。首請罷安石配享。廢其新經。有衛道功。或疑其出處之際。而少其著述。殆未之考也。

上從之。追封時將樂伯。從祀。

十四年巡撫延綏都御史姚鏌建議。請以故禮部侍郎薛瑄從祀孔廟。詔下禮部議。

嘉靖六年六月

上諭輔臣楊一清曰。朕閱書至武城篇。有引用歐陽修語。豈修于六經無羽翼聖門功乎。嘗語費宏及卿等。以修從祀。云不可。今特訪于卿。一清言臣按歐陽脩在宋。以通經學古爲高。以濟時行道爲賢。以犯顏納說爲忠。蘇軾稱其論大道似韓愈。論事似陸贄。敘事似司馬遷。誠有不誣至知貢舉。一變文體。闢異端。則本論一篇。是亦有功于聖門。至濶議諸篇。得先王禮經遺意。發明倫理。委曲詳盡。但孔廟從祀。皆取其著書立言。輔翼六經之功。其餘文章勲業。皆非所論也。洙泗及門之徒。親受聖教。故雖事無可考者。亦不敢遺。漢唐專門之師。傳受

皇明世法錄

卷二十一

從祀

八

故雖事無可考者。亦不敢遺。漢唐專門之師。傳受

聖經雖學行有疵者亦不敢略朱熹語孟集註所
取如尹焞游酢謝良佐范祖禹胡寅各有註釋皆
不得與至如熹之師延平李氏同時豫章羅氏者
皆號名儒亦不得與修之論說見諸武成蓋僅有
者耳其從祀一節未敢輕議乃已

九年改大成至聖文宣王爲至聖先師孔子四配
爲復聖顏子宗聖曾子述聖子思亞聖孟子從祀
及門弟子稱先賢左丘明以下稱先儒去塑像設
木主盡罷公侯伯諸封爵申黨申振二人存振去
黨公伯寮秦冉顏何荀况戴聖劉向賈逵馬融何
皇明世法錄 卷二十一 從祀 九

休王肅王弼杜預吳澄十三人罷祀林放蘧瑗鄭
玄鄭衆盧植服虔范甯七人祀于其鄉進后蒼王
通胡瑗歐陽修陸九淵從祀改稱大成殿爲先師
廟大成門爲廟門別立祠祀齊公叔梁紇稱啓聖
公孔氏以顏無繇曾點孔鯉孟孫氏配稱先賢程
瑜朱松蔡元定從祀稱先儒撤無繇點鯉從祀
隆慶元年三月給事中趙軌御史周弘祖請以故
禮部侍郎薛瑄從祀禮部議覆侍郎薛瑄潛心理
道勵志清修言雖不專於著述而片言隻簡動示
楷模心雖不繫于事功而偉節恢猷皆可師法尚

書王守仁質本超凡理繇妙悟學以致良知爲本
獨觀性命之原教以謹講習爲功善發聖賢之旨
此二臣者皆百年之豪傑一代之儒宗但薛瑄則
相去百年輿論共服先朝科道諸臣建言上請累
十餘疏而儒臣獻議與瑄者十居八九
世宗皇帝亦嘉瑄能自振起然猶謂公論久而後明
宜俟將來若守仁則世代稍近猶恐衆論不一請
勅翰林院詹事府左右春坊國子監儒臣令其廣
諮博討撰議進覽仍下本部會官集議以俟聖斷
上是之

皇明世法錄 卷二十一 從祀 十

名賢祀典

吳元年十月勅禮官建元右丞守安慶余闕江州總管李黼二祠省像歲時祀之。

洪武四年四月詔以元御史大夫福壽能秉節義立祠祀之後復議贈其官禮部言元已贈福壽浙江行省左丞相上柱國追封衛國公謚忠肅宜仍其舊。

上是之今每歲春秋二仲遣官致祭。

八年三月命有司立張巡許遠廟于歸德州歲時致祭。

皇明世法錄

卷二十一

名賢祀典

十一

十二年正月御史連楹劾應天府尹曾朝佐祭歷代忠臣不具祭服有乖典禮。

上顧問廷臣吏部尚書阮峻言祭前代之臣不具祭服相承已久下翰林院考證奏祭前代忠臣便服行禮爲宜詔以爲常式。

十三年二月遣應天府官祀歷代忠臣漢將蔣子文晉卞壺南唐劉仁贍宋曹彬元福壽凡五廟至二十年以其祠處閭巷詔徙建鷄鳴山之陽命應天府每歲以祭功臣日致祭著爲祀典。

十六年十一月禮部言秦蜀守李冰鑿山堰流以

備水旱民始殷富漢文翁爲蜀守仁愛化民興學

教子弟宋張詠爲蜀守民畏而愛之擬以文翁張

詠與李冰同一祠祀卓茂爲密令黃霸爲河南丞

皆漢之循吏具載漢史鈞州有霸廟址密縣亦有

茂廟址葺而祀之正合祀典陸遜及子抗從子凱

世爲吳郡人當三國時文武兼資爲吳將相以勞

定國松江舊祠址尚存宜令有司葺祠致祭四川

隆川土神垂休侯李龍遷臣事于梁築城保障川

蜀邦人祀之雨暘疾疫祈禱必應唐狄仁傑諫立

廬陵王復唐社稷嘗謫爲彭澤令彭澤舊有祠宇

皇明世法錄

卷二十一

名賢祀典

十二

理宜褒祀謝夷甫肅宗時爲京畿令孟湜押兵過境縱掠百姓夷甫捕而斬之李輔國譖之于朝流

建州卒莖於驪寧後見夢於帝立廟賜名靈通封

武英侯元江州路總管李黼與其姪秉昭臨難處

節廟食于九江義兵萬戶李宗珂從余闕守安慶

城陷關歿宗珂自刎闕既立祠安慶宜以宗珂配

享皆從之命著之祀典。

二十一年正月韶州知府王世安奏請修唐賢相

張九齡宋名臣余靖祠從之。

二十七年正月建漢壽亭侯關羽廟于鷄鳴山之

陽廟舊在玄津橋西至是改作興歷代帝王及功臣城隍諸廟並列通稱十廟云

四月陝西乾州同知史孟通言唐忠臣渾瑊在德宗時涇原兵變乘輿在奉天逆臣朱泚據長安引兵圍奉天晝夜攻城經月城中資糧俱盡瑊獨引兵苦戰百計禦敵卒能保乘輿全城郭功載唐史今其祠廟在而祀事有關甚非報功勸忠之意宜令有司每春秋致祭詔從之
永樂元年有司言殷太師比干墓及祠圯壞請修治從之

皇明世法錄 卷二十一 名賢祀典

主

三年三月巡按福建御史洪湛言福建自漢以來始通中國民不知學至唐常袞爲觀察使興學校人文日起宜立廟以祀從之

五月命修漢秣陵尉蔣子文廟

十四年十二月詔修曲阜兗國公廟

宣德二年二月遣順天府官祭宋丞相文天祥歲爲例

四年九月大理卿胡榮言臣奉命巡撫浙直訪知嘉興舊有陸贄祠湖州有胡瑗書院蘇州有范仲淹祠魏了翁書院今皆頽毀欲從空脩整未敢專

壇

上從之

五年閏十二月歸德州知州李志言歸德唐忠臣張巡許遠死節之地故睢陽有協忠廟祀巡遠雷萬春南霽雲賈賁姚閻宋元以來俱命守臣祭之上曰此不可闕命禮部定祀儀請以巡遠居正南霽雲等四人配享從之命翰林撰祭文有司每歲以春秋祭

皇明世法錄 卷二十一 名賢祀典

南

八年八月吉安知府陳本深言廬陵縣城南舊有忠節祠祀鄉先賢歐陽修周必大楊邦又胡銓楊萬里文天祥比來曠闕祀典人無激勸乞舉行之上從所言令有司春秋祭祀仍以時修葺祠宇

正統六年十一月立御製兗國復聖公新廟碑

成化元年正月汀州府奏前推官王得仁當鄧茂七作亂時奮力殺賊卒於行陣請立祠宇以昭報祀部覆從之

五月修比干廟命有司春秋致祭

十二月命容城縣立祠祀元儒劉因

四年三月命祭宋丞相李綱于邵武府學

五年五月復元臣賽典赤廟祀于雲南元時賽典

赤守雲南興水利以溉田崇學較以勸士民德之
迨歿廟食其地國初平雲南有司不廢其祀迨正
統間廢至是復之

九年九月永平知府王璽奏伯夷叔齊廟在永平
境內洪武中有司致祭景泰中始廢今臣已重建
請賜廟額祝文

上賜額曰清節命詞臣撰祭文令有司春秋致祭
十年八月博野知縣裴泰奏宋儒程顥程頤二大
儒其先博野人祖羽爲端明殿學士後家于洛陽
本縣程委社實其祖居舊有祠堂近爲修葺乞勅

皇明世法錄

卷三十一

名賢祀典

五

禮部定其祭品儀注今所司春秋致祭部覆從之
十一年正月賜故御史伍驥都指揮丁泉於上杭
縣立祠祀之天順六年盜賊竊發泉率兵守備賊
不敢犯次年賊勢益熾驥初入境聞變單騎冒險
親造賊巢諭以禍福賊聞莫不感泣旬日間來歸
者一百七十餘戶俱給以牛具穀種俾之復業惟
寨泉奮身力戰爲賊所害驥總督官軍平死卹傷
激揚義氣與賊十餘戰破掣壁等十八寨擒斬八
百餘人賊平驥衝冒瘴癘致疾而卒衆皆悲痛立

祠祀之知縣蕭宏奏載祀典賜其祠額曰褒忠命
有司春秋祀之

驥安福人景泰甲戌進士

十三年八月命杭州府祭唐臣褚遂良從儒士周
璟言也

十八年七月命雲南布政司歲祭故翰林學士王
禕

十九年正月命蕭山縣祀魏驥於德惠祠祠舊祀
宋縣令楊時驥家居日躬率鄉民修築海隄田獲
其利邑人謂驥之功與時等相率赴京具奏請以
驥配祀從之

皇明世法錄

卷三十一

名賢祀典

六

四月陝西巡撫阮勤奏岐山縣有周公廟咸陽縣
有周公墓沔縣有諸葛亮祠鳳翔府有范仲淹祠
藍田有呂大中大臨大鈞祠俱歲久頽圯乞修治
并賜祭

上曰朕考祭法凡德施于民以勞定國者則祀之周
公制禮作樂通行萬世諸葛亮興復漢室范仲淹
經略西夏皆有功當時而呂氏兄弟得伊雒之傳
又於名教有補者祠墓弗修祀禮廢墜豈崇德報
功之謂哉其令有司修治于周公廟歲春秋二祭
墓以二丁守視亮仲淹及呂氏兄弟俱歲一祀庶

稱朕褒表先聖先賢之意

二十年命有司歲祭廣東巡撫都御史楊信民先是信民爲廣東叅議以註誤去旣而黃蕭養作亂起巡撫其地招徠安集多所全活及卒廣人思其德相率請于朝爲立祠然歲時未有祭也至是聽選官盧從愿等請從之

弘治三年十月安慶府知府徐傑等奏郡治東有祠祀元封函國公余闕而守臣韓建不與焉臣考余闕所著大節堂記及元史竊以爲建在當時力攻固守其大節如被執之際病不可爲且罵賊求

皇明世法錄

卷二十一

名賢記典

七

或其不屈如此且建守於前闕繼于後實爲一體禮部覆奏謂宜于闕祠內增設建神主祔享歲時致祭從之

命孟縣建唐昌黎伯韓愈祠春秋致祭并修理墳墓從知縣巫儼奏也

五年十二月給事中王璽奏宋季合州守臣王堅張珪當北虜猖獗時先後保障有功堅後遷寧遠節度使益勵臣節珪遷制置使城陷竟不屈而歿乞建祠秩祀部覆於本縣鄉賢祠祔祭從之

六年十一月河南巡撫徐恪奏宋范仲淹并其子

純仁墓皆在河南府城東南萬安山下屬傍近寺僧領祀事乞命本府于墓所建祠春秋致祭以子純仁配享永載祀典以風士類

上以崇祀先賢事關風化命所司議行

九年二月四川巡撫馮俊奏故學士承旨宋濂以孫慎坐法謫四川至夔州卒沉淪幽壤聞者追悼乞勅禮部集議復其舊官顯加贈諡仍命有司春秋祭於葬所部議濂一代儒宗今不敢別議贈諡請仍依原學士承旨職事令有司就于葬所祠堂內春秋祭祀從之

皇明世法錄

卷二十一

名賢記典

七

給事中楊廉疏言故禮部侍郎薛瑄正學大節乞行平陽縣建祠賜額有司每歲春秋祀之仍下章丘縣取所刻讀書錄板本于國子監俾諸生皆得摹印翫味部覆上

上曰薛瑄以性理之學繼宋諸儒後實我朝名儒卿等奏欲建祠秩祀并刊行文集悉准行其祠額特名正學

十年九月巡按四川御史榮華以蜀漢北地王諶爲國死節無愧昭烈之胤乞仍舊封號春秋陪享昭烈廟從之

十二年正月錢塘縣民岳華奏其十三世祖宋武穆王飛墓田在西湖者爲僧永年等所侵占占

上曰飛在宋實忠烈可嘉墓田准令有司究治理之

十五年廣東布政周孟言宋丞相文天祥應詔勤

王一時慕忠效義之士越時賞等四十餘人亦皆

奔走助順今天祥已秩祀典而時賞等未獲表章

乞下廬陵縣爲天祥建忠義廟配諸賢于左右有

司歲時致祭從之

國子生裴春奏宋丞相江萬里爲賈似道所忌出

知福州致仕嘗勉文天祥以世道之責後元兵陷

皇明世法錄 卷二十一 名賢配典

尤

饒州萬里及其子鎬并左右數人俱投止水以死

乞下有司秩於祀 詔令江西巡撫官立祠于饒

州本府官春秋致祭

十六年四月巡按江西御史王哲言廬陵縣舊有

忠節祠祀宋名臣歐陽脩等六人我朝祭酒李時

勉侍講劉球知府劉子輔又郡人御史鍾同當景

泰時潛移國本率先倡義乞復

皇儲遂下獄死

英廟追贈大理丞

憲廟復官其子賜謚恭愍惟祀典尚缺乞勅有司同

祀於忠節祠下禮部議覆詔命鍾同准附祭各處鄉賢祠有徇情濫收者咸具實以聞

四月命貴谿縣重建象山書院祀宋儒陸九淵兄弟

正德三年三月福建叅政熊達詳事徐元稔各疏

請爲宋興化同知陳瓚與姪同知樞密院事充闡

廣宣撫大使陳文龍立祠興化府以表其忠禮部

議覆

上曰文龍叔姪在宋季歿節忠義可嘉其立祠令有

司春秋致祭

皇明世法錄 卷二十一 名賢配典

手

八年七月賜唐顏杲卿真卿祠額曰二忠今有司

歲春秋致祭杲卿官常山真卿官平原卽今真定

德州地也前知府彭澤於學宮右建二顏祠至是

成知府李璞以祠額請故有是命

九年嘉祥縣修曾子廟成巡按御史李璣請以門

人子思配享而以陽膚子襄公明儀沈猶行公明

高樂正子春公明宣單居離列于子思後從祀且

請御製碑文從之

南和知縣李希夔疏言縣故有唐相宋璟祠空載

祀典詔以璟守法持正爲唐名相其令有司歲仲

春致祭

十年二月廣東巡按御史高公韶言韶州故有唐相張九齡祠景泰中用給事中白瑩言以唐韶州刺史鄧文進宋邕州推官譚必國朝永豐令鄧顥俱附祠配享竊考九齡子拯爲伊闕令時安祿山陷河雒拯不受僞官忠義著聞而獨見遺似爲缺典禮部議覆詔令從祀

十六年四月詔爲都督僉事馬雲葉旺立祠遼東歲時致祭雲旺洪武初爲龍虎上將軍奉命繇登萊渡海至遼安輯軍民遼人相率歸附遂開設遼

皇明世法錄 卷二十一 名賢祀典

三

東都司及遼左等衛比卒遼人多尸祝之而未有祠至是義州衛舍餘許澤等疏乞立祠致祭以崇報功之典從之

命立宋陸秀夫祠于鎮江歲時致祭從巡按葉忠請也

五月詔立宋岳飛祠於武昌歲時致祭以撫臣秦金請也

七月詔祀故太保尚書黃福于昌邑萊州知府常道奏福在先朝有大功其名德爲鄉里所重雖曾爲建祠而未

得載於祀典請令守臣歲時致祭允之

立太公廟于青州城西令春秋致祭從山東撫按請也

嘉靖元年命遼東都司合祀吏部尚書王翱都督僉事馬雲葉旺於旌功祠遼人以翱嘗總制其地有功德于人宜與雲旺合祀守臣以請許之

二年河南巡撫何天衢言雒陽周公經營之地宜建廟賜額令春秋致祭登封縣舊有觀星測景二臺公遺跡也土圭表漏具存乞勅欽天監委官考正制度尺寸書之史冊禮部覆請報可

皇明世法錄 卷二十一 名賢祀典

圭

命祀故工部主事費瑄于呂梁洪瑄於成化間奉命管洪築石壩捍水以通漕舟作石堤以便挽者歲省修堤艸束役錢三十餘萬又時旱疫瑄設法賑濟所全活甚衆民思之私爲立祠至是知州張淮以請故有是命

詔修宋臣韓琦范仲淹祠於延州建故吏部尚書王恕祠於三原命翰林院各擬祠額有司歲時致祭從都御史姚鏌給事中張原奏也

命江西有司祀晉處士陶潛於彭澤從都御史陳琳請也

給事中劉祺言故大學士劉珙立朝守正不阿至其孝祀父母廬墓感有瑞麥嘉禾之祥鄉人號其所居曰仁孝里立祠祀之乞賜祠額命有司歲時致祭詔從之

四年九月江西撫按陳洪謨秦鉞陶儼各疏言崇仁吳與弼嘗蒙

先朝禮聘授諭德不拜歸老於家砥礪名節有功效化特建祠本鄉賜祠額祭文令有司致祭從之

十一年十月御史施山言大名府名宦如狄仁傑寇準鄉儒如劉安世二宦一賢功德顯著宜如祀

皇明世法錄 卷二十一 名賢祀典

重

典專祀從之

十六年詔建故臨清知州夏鼎祠春秋致祭鼎大學士言之父州民稱其有德政請建祠祀之遂有是命

三十八年十二月詔贈蘇松兵備參政任環爲光祿寺卿立祠廕子環前爲蘇州府同知倭寇犯蘇之閭門城門閉民避寇者不得入繞城號泣環按劍開門納之全活萬計蘇人德之屢擊倭寇有功累進參政矢志滅倭衣服皆自識其名誓必死賊後以母喪歸遂卒於家禮科給事中徐師曾上其

事請贈祀故有是命

隆慶二年詔賜故禮部尚書歐陽德祀於鄉從江西按撫請也

皇明世法錄 卷二十一

名賢祀典

孟

謚法

洪武二十五年詔凡親王及功臣賜謚令禮部行翰林院擬奏請

旨凡親王謚用一字東宮郡王及文武大臣皆二字大臣賜謚與否取自

上裁若官品未高而侍從有勞或以夙勤事特恩賜謚者不拘常格

洪熙元年命禮部尚書呂震諭翰林定故兵部尚書兼詹事金忠等十八人謚內通政使賀銀謚不美

皇明世法錄 卷二十一 謚法

垂

上曰此數人皆在先朝盡心事國有德行重厚表裏一致者有涉歷艱難始終一心者必加旌褒庶幾禮賢厚終之道但朕意未嘗及銀銀勞可贈官行不應美謚若加銀惡謚又不若無謚人不得議焉古人制謚正爲定論美惡示至公也銀竟不謚成化四年四月禮部主事陸淵之言刑罰雖嚴可警于一時爵賞雖重不及于後世惟美惡之謚一定則榮辱之名不朽我朝

祖宗尤重謚法邇者大學士陳文卒謚曰莊靖莊靖美謚也陳文何以當此迹其平生貪穢彰聞汚風

大者縱子爲惡滅裂義方謬居調元贊化之任素乏經邦濟世之才生旣逃於重罰歟又竊夫美名殊失古人勸善懲惡之典乞勅議更惡謚以服天下之心以爲將來之戒御史謝文祥亦言聖人制爲謚法所以善善惡惡以公天下後世益賞罰之尤大者近大學士陳文卒正空踪其行實之惡加以應得之謚豈期議者欲預爲已地乃矇朧妄擬謚曰莊靖夫睿通克服曰莊慎以處位曰靖陳文爲人天下共知以此謚之豈惟不稱其情俾繼之者或慕而效之敢於肆行無忌則天下國家尚奚賴哉乞勅有司會議別選惡謚行實相稱者加之使天下後世曉然知

皇明世法錄 卷二十一 謚法

垂

上以陳文既有過當時不言沒後始言姑宥之弘治四年令今後有乞恩贈謚者本部勘酌可否移合公論不許一概比例濫請十五年奏准凡親王薨逝行撫按等官覈勘郡王病故行本府親王及承奉長史等官覈勘善惡得實明白結報具奏定謚又奏准文武大臣有請謚

實明白結報具奏定謚又奏准文武大臣有請謚

者本部照例上請得

旨行吏兵二部備查實蹟本部定爲上中下三等以行業俱優者爲上行實頗可者爲中行實無取者爲下開送翰林院擬謚請

旨

嘉靖七年閏十月給事中劉世揚奏工部尚書李鏊謚恭敏士論不與未協公議

上曰鏊謚旣不協公議併贈官俱革去今後務慎重國典不許濫與

十五年吏部侍郎霍韜疏劾尚書夏言爲大學士

皇明世法錄

卷二十一

謚法

壬

費宏請謚增減名實法當坐斬又謂宏謚文憲犯憲宗廟號亦當改正給事中錢徽亦奏如韜且言大臣不宜相構言因上疏乞歸且曰成周之臣晉文衛武魯成齊康楚宣秦穆不爲文武成康宣穆諱惟其行不惟其分此周道也我朝彭時宋濂黃福劉大夏俱謚忠宣是犯

宣宗許進謚恭毅是犯

武宗楊守陳章懋儲懋謚文懿是犯

懿祖必若韜言皆當改正矣

上慰留之

二十二年太子太保禮部尚書掌太醫院許紳卒其妻援洪熙中本院使蔣用文例請謚禮部難之詔謚恭僖

二十五年都御史林俊上言刑部尚書謚惠安彭韶文學經緯廉聞貞風正色立廟先憂爲國生今之世無愧古人沒而易名室亦近之其視吳訥謚文恪魏驥謚文靖葉盛謚文莊實足嗣休並美不知定議之時何取惠安之義舍大錄細不類其人不

足中外之心不報

皇明世法錄

卷二十一

謚法

壬

二十七年十二月給事中趙鉞言故禮部尚書謚文通費家故總兵謚隱懷卻永行履無聞數經論列不宜錫謚

上曰謚法原有美惡以示勸懲今後定擬務合公論

封贈 附 卹典

洪武十六年五月廣東都指揮使狄崇王臻等言妻阮氏等封淑人已歿仍乞封次妻何氏等爲淑人詔下廷臣議韓國公李善長及禮部等官議曰妾不可爲嫡夫人故魯莊公妾成風僖公母也稱爲夫人春秋非之襄公庶子制之母嬖將以爲夫人使宗人麇夏獻其禮對曰無之蓋古者夫人歿貴妾攝其家事不得稱爲夫人若庶子而貴得以推恩其母亦不得稱夫人使竝嫡也今崇臻欲任私意廢大禮亂嫡妾之分不可許

皇明世法錄 卷二十一 封贈

无

上從之遂命禮部及翰林儒臣定嫡妾封贈例頒示中外於是定議凡正妻在日所取側室皆謂之妾正妻歿諸妾不許再立爲妻若以禮聘良家女爲妻許受封贈前妻無子其所生子卽爲嫡長子若正妻在日無子不再娶而諸妾有子者當長男襲父職其子依本品職推恩其母俱從之

十七年五月濟南衛指揮使何誠奏伯父養已爲嗣所生父母先已受封乞推封伯父下禮部議許之

瑞等奏曰文武官員封贈舊制一品封贈三代二

品三品封贈二代四品至七品封贈一代

上命翰林院考古制學士劉三吾奏宋制與今例同昭從舊制瑞又奏庶子襲武職例止封嫡母所生庶母無封贈復命禮部翰林院考古制三吾奏宋制母以子貴庶母亦依所生子之秩封贈詔從宋制

皇明世法錄 卷二十一 封贈

羊

二十六年定文官封贈之例凡十一其一文官一品至七品止封贈散官職事其應封一代者父與子同妻從夫貴應封二代者祖降父一級應封三代者曾祖降祖一級父見任者不封已致仕及亡歿者封之其在任棄職就封者聽其二應封父母者嫡母在生母不得封嫡母亡得竝封若所生母未封不得先封其妻其三父母有兩子當封者從其高品婦人因其子受封而夫與子兩有官當封者從其高品父祖原有官既歿而因其子孫封贈者進一階其四應封妻者止封正妻一人如正妻生前未封已歿繼室當封者正妻亦當追贈其繼室止封一人其五命婦因子孫品級封者竝加太字若已歿及曾祖祖母在者不加其六凡正從

七品陞至正從六品封贈一次陞至正從五品封贈一次陞至正從四品封贈一次陞至正從三品封贈一次陞至正從二品封贈一次陞至正從一品封贈一次其七曾祖父母祖父母父母曾犯十惡奸盜除名等罪其妻非禮聘正室或再醮及倡優婢妾並不許申請其八封贈之後但犯賊私者並追奪其九凡婦因夫貴母因子貴受封不許再醮違者治之如律其十京官四品以上試職實授頒給誥命取自

上裁已受誥命者亦須一考滿秩方許封贈五品以上

皇明世法錄

卷二十一

封贈

三

下官試職一年考覈稱職者實授頒給誥勅不稱職者黜降其已授誥勅者亦須一考方許封贈其十凡在外三年爲一考稱職者頒給誥命再考稱職聽請封贈其有才能卓異出自特恩者不在此例

二十九年令凡義男承襲義父官職又隨義父姓者當封贈義父母若出姓者不封贈其親父母亦未得封贈若本官以後自立功陞職者許封贈親父母若代義父總旗先鋒身歿後自立功得官而尚隨義父姓者封贈義父母出姓者封贈親父母

女婿承襲妻父職事者封贈妻父母若代妻父總小旗役後自得官者當封贈父母

洪熙元年令方面官到京曾經一考稱職給與本身誥命九年考滿方與封贈

宣德二年八月御史嚴繼先言近吏部放遣患病官還鄉例皆革去冠帶爲民中亦有曾授誥勅封贈父母者既非得罪革去冠帶無以激勸後進敦厚風化

上謂尚書蹇義曰以禮去官與見任同以後曾受誥勅以老疾去者皆令冠帶還鄉

皇明世法錄

卷二十一

封贈

三

五年令追奪賊官誥勅勅曰朝廷誥勅本用褒勉臣下盡心職事與奪都要停當凡受誥勅的其未受之先曾犯贓罪已經赦宥悉皆追奪若受誥勅之後犯贓罪雖經赦宥亦皆追奪永爲定例

八年翰林院待詔鄒循當授勅命言其父緝先以侍講事

太宗復以中允事

仁宗於春宮歷二十餘年陞左庶子卒不獲生受誥命臣秩卑於例不應得封贈伏乞矜賜

上曰